



Diario de Arousa

O incremento foi dun 40 por cento para estranxeiros e españois

Galicia lidera as pernoctacións en establecementos hoteleiros

Agn/ Santiago


A Alianza para a Excelencia Turística (Excelltur) fixo público onte o "Informe de perspectivas turísticas", no que sitúa a Galicia á cabeza de España no que respecta ao incremento de pernoctacións hoteleiras entre os meses de xaneiro e maio de 2003 a 2004.

Segundo este relatorio, o aumento foi dun 15,5 por cento para os estranxeiros e dun 24,1 por cento para os españois.

Polo que se refire ao aumento de pernoctacións de turistas estranxeiros, as comunidades que seguiron a Galicia foron A Rioxa, cun 12,2 por cento máis; Navarra, cun incremento do 10,3 por cento e a Comunidade de Madrid, cun 8,4. Os maiores descensos corresponderon a Baleares, cun 6,7 por cento menos, e Canarias, cunha baixada do 5,1 por cento.

Un 80 por cento dos empresarios obtivo un aumento nas vendas

En canto ás pernoctacións de turistas españois, o maior crecimiento tras Galicia correspondeu a Andalucía, cun 21,7%. Os maiores descensos



O informe sinala o aspecto positivo para o sector que ten o Xacobeo

viñeron por parte de Cantabria, cun 5,2 por cento menos, e A Rioxa, cun 2,5 por cento.

Optimismo para o verán

O informe resalta que a celebración do Ano Santo serviu de "estímulo e revulsivo" para o sector turístico galego, e asegura que hai unha "práctica unanimidade" entre os empresarios entrevistados sobre o impacto do Xacobeo en vendas e beneficios.

O mesmo informe fai tamén referencia á Sondaxe de Clima Turístico, realizada a empresarios do sector, que mostra como resultados que un 86,2 por cento experimenta-

ron un crecimiento nas súas vendas e un 70 por cento nos seus beneficios, grazas sobre todo ao crecimiento do turismo nacional, que se incrementou nun 32,6 por cento nos meses de abril e maio.

Agrega Excelltur que as perspectivas para o que queda de verán son "dun claro optimismo", e sitúa o Indicador de Clima Turístico nun valor de 59,8, "o máis alto desde que se iniciaron estas entrevistas de clima empresarial hai tres anos".

Outro asunto destacado é a menor desaceleración da actividad turística urbana e de interior nas zonas insulares e no litoral mediterráneo.